

Ilisimatusarnermut Avatangiisinullu Naalakkersuisoqarfik

Att. Tilde Roland Høberg

16. december 2020

## **Nuummi 2021-mi qaammatini pingasukkaani siullerni qillerinernik qaartiterinernillu suliaqarnernut piffissamut pilersaarut pillugu**

### **Aallaqqaasiut**

VVM-mut akuersissuteqarnermi allassimavoq, piffiissami sanaartorfiusumi qillerinernik qaartiterinernillu suliaqarnerit ingerlanneqarnissaannut pingaarnernut piffissamut pilersaarummik suliaqartoqassasoq. Piffissamut pilersaarummi qaartiterinermik ingerlatassatut pilersaarutigineqartut nassuiarneqassapput aammalu qaqqami qillerinernut aamma qaartiterinernut piffissat ilaatinneqassallutik. Pilersaarut qaammatinut pingasunut tullernut atuutissaaq aammalu qaartiterinernik suliaqarnerit ingerlatillugit, qaammatit pingasukkaarlugit nutarterneqartassalluni. Nuummi innuttaasut pilersaarut pillugu paasisutissiivigineqassapput, taamaalillutik ingerlatassatut pilersaarutigineqartut pillugit paasisimassallugu.

Allakkiaq manna 2021-mi qaammatini pingasukkaani siullermi qillerinernik qaartiterinernillu suliaqarnissanut pilersaarutigineqartunut pingaarnertigut piffissamut pilersaarummik imaqarpoq. Kalaallit Airports qaammatit pingasukkaarlugit piffissamut pilersaarutinik naapertuuttunngortitsisarpoq, taamaattumik pilersaarut manna 2021-mi januaarimut, februaarimut aamma martsimut atuuppoq.

Ilanngussaq 1-imi ilanngunneqartumi suli suliniutip nunaminertaa tamarmiusoq, qaartiterinernik ingerlataqarnissamut tunngatillugu sumiiffinnut arfinilinnut aggulunneqartoq, takussutissiarineqarpoq.

### **Sumiiffinnut qaartiteriviusussanut nunap assinga takussutissiaq**

Suliassap nunaminertaa sumiiffinnut aggulunneqarluni, qaartiterinernik suliaqarnernut pingaarnernut pilersaarut, pingaartumik mittarfimmi ingerlatsinerneq qaartiterinermi navianaateqartut iliuuseqarfigineqarnissaannut tunngassuteqarput. Sumiiffinnut agguluineq KAIR-ip entreprenørianit pingaarnernit – Munck Gruppen A/S kiisalu Munck Civil Engineering A/S (Munck) – suliarineqarpoq aammalu qaartiterinernik ingerlataqarnissamut tunngatillugu suliassap nunaminertaata nunami sumiiffinnut aggulunneqarneranut takutsilluni. Takussutissiat qaartiterinernut isikkivittaqtut KAIR-imit suliarineqarput.

### **Pingaarnertigut immikkoortut**

Mittarfik immikkoortuni pingaarnerni marlunni sananeqassaaq:

- Immikkoortoq 1, 2019-imi oktobarimiit 2021-imi juulimut ingerlanneqassaaq. Taanna suliassap nunaminertaata kujasinnerusortaanut tunngassuteqarpoq. Tassani mittarfissap nutaap affaa siulleq sananeqassaaq. Immikkoortoq 1-imi qaartiterinernik suliaqarnerit pingaarnertit sumiiffinni 1-imi, 2-imi, 4-imi aamma 6-imi ingerlanneqassapput, sumiiffik 3-imi aamma 5-imi qaartiterinernit pisariaqartinneqannginnerullutik.
- Immikkoortoq 2, 2021-imi juulimiit 2023-imi aggustimut suliarineqassaaq. Tassani mittarfiup ingerlanneqarnera mittarfiup affaanut nutaamut nuunneqassaaq, mittarfik pioreersoq atorunnaarsinneqassaaq aammalu mittarfiup nutaap avannarpasinnerusortaa sananeqassalluni. Qaartiterinermik suliaqarnerit pingaarnertit sumiiffimmi 3-imi, 4-imi, 5-imi aamma 6-imi ingerlanneqassapput.

2021-mi qaammatini pingasukkaani siullermi qillerinernik qaartiterinernillu suliaqarnerit pingaarnersai sumiiffik 1-imi, 2-imi aamma 3-imi ingerlanneqassapput, kisianni Siaqqinnerup aqutaanut pilersussamut qaartiterineq sumiiffimmi 4-imi, 5-imi aamma 6-imi aallartissasoq aamma naatsorsuutigineqarluni.

## **Qaartiterinernik ingerlataqarneq**

Akuersissutit qaartiterinernut tungassuteqartut tamarmik piniarneqareerput aammalu qaartiterinernik suliaqarnerit aallartinneqareerlutik. Qaartiterinernik suliaqarnerup annertunersaa sanaartornermut immikkoortumi ukiuni marlunni siullerni ingerlanneqarnissaa naatsorsuutigineqarpoq. Suliassaq maannakkut qaartiterinernut annertunerusunut (20.000 m<sup>3</sup> sinnerlugu) killiffeqarpoq.

Naatsorsuutigineqarpoq 2021-imi qaammatit pingasukkaat siullianni (1. januaari - 31. marts 2021) 860.000 m<sup>3</sup> tikillugit qaartiterisoqassasoq. Qaartiterinernik suliaqarnerit suliassap nunaminertaata kujasinnerusortaani ingerlanneqarnerussapput, kisianni aamma avannamut kangisissortaani pisinnaassallutik.

Piffissami 22-07 qaartiterisoqartassanngilaq.

## **Qillerinernik suliaqarnerit 2021-imi qaammatit pingasukkaat siulliannut qaartiterinissanut pilersaarummut atasut**

Munck-ip qillerinernut qamutit arlalissuit qaartiterinissanut qillerinernut atornissaat naatsorsuutigaa aammalu qillerinernik suliaqarneq ataasingornermiit arfininngornermut, aammalu pisariaqarpat sapaammi, ulloq unnuarlu ingerlanneqassasoq.

## **SMS atorlugu kiffartuussineq**

Kalaallit Airports SMS atorlugu kiffartuussinermik pilersitsivoq, tassani innuttaasut paasissutissinneqarnissamik kissaateqartut ilanngutsissinnaallutik, aammalu qaartitsinissaq sioqqullugu paasissutissinneqarsinnaallutik. Aaqquissuussinermut taamaattumut qanoq ilanngutsissinnaanerluni paasissutissat Kalaallit Airports A/S-ip nittartagaani ikkunneqassapput.

Ilanngussaq 1 – Munck-ip 2021-imi qaammatit pingasukkaat siullianni sumiiffiit qaartiterivissai.


**Bilag 1**

Nuuk Lufthavn Udarbejdet : 14-12-2020

**Sprængningsvinduer: 1/1-31/3-2021**

Tablet 1 Område 1, 2, 3, 4, 5, 6

Mon	Tir	Ons	Tor	Fre	Lør	Søn
08-21	08-21	08-21	08-21	08-21	08-21	08-21



- Forslag til ekstra udspørgning / Proposal for extra blasting
- Nedspørgningsområde / blasting area
- Områdeopdeling / area division
- Eksisterende landingsbane / existing runway

I 1. kvartal 2021 vil den primære del af bore- og sprængningsarbejdet foregå i område 1, 2 og 3, men der vil også ske sprængninger i område 4, 5 og 6 for blandt andet etablering af den kommende Slaqqinneqvej.